

# Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat

## (Selskabit akileraarutaannik akiliisussaatitsinnginnissaq, aningaaseriviit annaasassanut immikkoortitsisarnerat aamma tamakkiisumik akileraaruteqartitsinermut aaqqissuussinerup allanngortinneqarnera)

### § 1

Aningaasarsianit akileraarutit pillugit Inatsisartut inatsisaanni nr. 12, 2. november 2006-imeersumi, Inatsisartut inatsisaatigut nr. 10, 29. november 2013-imeersukkut kingullermik allanngortinneqartumi makku allannguutigitinneqarput:

#### 1. § 3, imm. 3 ima oqaasertaqassaaq:

"Imm. 3. Selskabinik suliffeqarfinnillu, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu aatsitassanik iluaqtiginninniarsinnaanermut imaluunniit erngup nukingata innaallagissiornermut atorneqarnera pillugu Inatsisartut inatsisaat naapertorlugu akuersissuteqarfigineqarsimasunik akileraarusersuineq, aatsitassarsiornissamut pisinnaatitaaffeqalersup akuersissutaani aalajangersakkat malillugit, atorunnaassaaq."

#### 2. § 30, imm. 8-p kingornanut ilanngunneqassaaq:

"Imm. 9. Aningaaseriviit aningaasarsiornermik suliaqarneq pillugu inatsimmi pineqartut, taarsigassarsiaritanut annikilliliissutit aamma qularnaveeqquisiissutitigut il.il. annaasassanut immikkoortitat ukiup aningaasarsiorfiusup naanerani aningaasartaat, aningaasarsiat akileraaruteqaataasussat, naatsorsuuserineremi inatsisitigut maleruagassat aningaaserivimmut atuuttut naapertorlugit naatsorsorneranni ilanngaatigissavaat. Aningaasalli annikilliliissutit immikkoortitallu aatsaat ilanngaatigineqarsinnaapput Annaasanut, akileraartarnermi inatsisini maleruagassat nalinginnaasut naapertorlugit ilanngaatigineqarsinnaasunut tunngasuuppata. Aningaasarsiat akileraaruteqaataasussat naatsorsorneranni ilanngunneqassapput aningaasat ukiup aningaasarsiorfiusup siuliani annikilliliissutit ilanngaatigineqarsinnaasut aamma immikkoortitat, tak. oqaaseqatigiit siulliit. Aalajangersagaq una taarsigassarsiniartarfinnut Kalaallit Nunaanni angerlarsimaffeqartunut taamatulli atuuppoq."

**3. § 72 a, imm. 4-p kingornanut ilanngunneqassaaq:**

"Imm. 5. Inuk imm. 1-imi taaneqartoq atorfegartitaanerminut atatillugu ukiumi aningaasarsiorfiusumi 350.000 kr.-init ikinnerusunik aningaasarsiaqarpat, Kalaallit Nunaata avataaneersuneersunit erniatigut isertitat, ernianut aningaasartuutit aamma iluanaarutisiat, imm. 4 apeqqutaatinnagu akileraaruserneqassangillat.

Imm. 6. Inuk imm. 1-imi imaluunniit 5-imi aamma § 15, imm. 4-mi taaneqartuinnarnik aningaasarsiaqaruni, akileraaruserinermik ingerlatsineq pillugu Inatsisartut inatsisaanni § 16 apeqqutaatinnagu nammineerluni nalunaarsuiffimmik nassiussinngissinnaavoq."

Imm. 5 matuma kingorna tassaalissaq imm. 7.

**4. § 72 b, imm. 2-mi allassimasoq "imm. 2-5-imi" allanngortinneqassaaq ima: "imm. 2-7-imi".**

**5. § 76, imm. 2-mi allassimasoq "§ 72 a, imm. 1 aamma 2," allanngortinneqassaaq ima: "§ 72 a, imm. 1, 2 aamma 5".**

**6. § 79, imm. 2-mi allassimasoq "§ 72 a, imm. 1 aamma 2," allanngortinneqassaaq ima: "§ 72 a, imm. 1, 2 aamma 5".**

## § 2

Inatsisartut inatsisaat ulloq 1. januar 2016 atortuulissaaq.

*Namminersorlutik Oqartussat, ulloq 9. december 2015*

Kim Kielsen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

